



A las adressatas ed als adressats
tenor la glista da distribuziun

Cuira, ils 12 da schaner 2011

Introducziun dal model armonisà da contabilitad MAC2 per il chantun Grischun e per sias vischnancas – consultaziun

Stimadas dunnas e stimads signurs

Las stentas per unifitgar la contabilitad dal maun public dateschan anc da l'ultim tschientaner. Il model armonisà da contabilitad (MAC1) ha procurà ils onns otganta e novanta per ina vasta armonisaziun dals rendaquints en ils chantuns ed en las vischnancas. Il chantun Grischun ha introducì il MAC1 l'onn 1988 per ses rendaquint. Il manual davart la contabilitad ch'è vegnì edì l'onn 1986 da l'uniun grischuna d'employadas e d'employads da vischnanca ha gidà las vischnancas grischunas ad introducir sin basa facultativa il MAC1. Cun in'excepziun han tut las vischnancas introducì il MAC1 dapi lura.

En il fratemp èn s'augmentadas las pretensiuns envers la contabilitad. En vista a las refurmas tar la confederaziun e tar ils chantuns sco er en vista als svilups internaziunals e naziunals en connex cun ils standards da rendaquint è la conferenza da las directuras e dals directurs chantunals da finanzas (CDF) s'occupada da la chausa ed ha lantschà l'onn 2003 in project da refurma correspondent (MAC2) per cumbatter la discharmonisaziun smanatschanta da la contabilitad dal maun public. Il manual MAC2 ch'è il resultat da quest project da plirs onns ha la CDF pudì relaschar ils 25 da schaner 2008. Il manual cuntegna en tut 20 recumandaziuns tecnicas che represchantan ils standards minimals che duain vegnir ademplids da tut las communitads publicas. La CDF recumonda als chantuns ed a las vischnancas da realisar il MAC2 uschè svelt sco pussaivel, il pli tard entaifer 10 onns. Il cussegl grond ha acceptà ils 27 d'avust 2009 l'incumbensa Wettstein concernent l'introducziun dal model armonisà da contabilitad 2 en il chantun Grischun.

Il sboz qua avant maun per ina revisiun totala da la lescha davart las finanzas e davart la surveglianza da las finanzas dal chantun Grischun tegna quint da questas recumandaziuns dal MAC2. Igl è necessari da far ina revisiun totala en vista a l'introducziun dal MAC2. Il sboz sa basa sin il model d'ina lescha da finanzas da la CDF tenor il MAC2. Las novas disposiziuns duain entrar en vigur per il 1. d'avrigl 2012, per ch'il chantun possa realisar il MAC2 per l'onn da preventiv 2013. Per quest termin duai er esser avant maun la basa per introducir il MAC2 tar las vischnancas, tar las vischnancas burgaisas, tar las corporaziuns regiunalas e tar las corporaziuns da vischnancas. Igl è previs da rimnar experientschas cun vischnancas da model e d'adattar ils rendaquints da tut las vischnancas grischunas al standard nov, e quai entaifer 5 onns suenter ch'il MAC2 è vegnì introducì tar il chantun.

La regenza ha incumbensà il departament da finanzas e vischnancas (DFV) da realisar la procedura da consultaziun tar il sboz da revisiun.

Nus As essan engraziavels, sche Vus tramettais Vossa posiziun fin il pli tard

venderdi, ils 15 d'avrigl 2011

al departament da finanzas e da vischnancas, Rosenweg 4, 7000 Cuir, u per e-mail ad info@dfg.gr.ch. Per ans facilitar l'evaluaziun As supplitgain nus da trametter Vossa posiziun er en il format da Word a l'adressa qua survat. Grazia fitg!

Ils suandants documents da consultaziun tar la revisiun da la lescha davart las finanzas e davart la surveglianza da las finanzas dal chantun Grischun (LFSF) chattais Vus sin la pagina d'internet dal departament da finanzas e vischnancas (DFV) sut:

www.dfg.gr.ch ⇒ temas/projects ⇒ consultaziuns ⇒ consultaziuns currentas

- Rapport explicativ tar l'introducziun dal model armonisà da contabilitad MAC2 per il chantun Grischun e per sias vischnancas
- Revisiun totala da la lescha davart las finanzas e davart la surveglianza da las finanzas: Sinopsa dal dretg vertent – sboz dal dretg nov cun explicaziuns
- Model d'ina lescha da finanzas per ils chantuns e per las vischnancas (MLFC)

Vus pudais er empustar ils documents per telefon tar il secretariat dal departament da finanzas e vischnancas (dunna Cristiana Müller-Demont: tel. 081 257 32 13, u dunna Lenka Hartmann: tel. 081 257 32 15, u per e-mail: info@dfg.gr.ch).

Sche Vos giavischais infurmaziuns supplementaras, As drizzai – per dumondas generalas – a signur Andrea Seifert, manader da l'administraziun da finanzas, tel. 081 257 33 01, andrea.seifert@five.gr.ch, e – per dumondas che pertutgan las vischnancas – a signur Thomas Kollegger, manader da l'uffizi da vischnancas, tel. 081 257 23 81, thomas.kollegger@afg.gr.ch.

Per Vossa cooperaziun As engraziain nus zunt fitg.

Salids amicabels

Departament da finanzas
e vischnancas dal Grischun

Il schef



president da la regenza
dr. Martin Schmid

Glista da distribuziun:

- partidas chantunalas
- conferenza da las presidentas e dals presidents
- cumissiun da gestiun dal cussegl grond
- vischnancas dal chantun Grischun
- vischnancas burgaisas dal chantun Grischun
- corporaziuns regiunalas dal chantun Grischun
- uniun grischuna d'employadas e d'employads da vischnanca (UGEV),
p.adr. Daniel Bulfoni, chanzlia communal, 7550 Scuol
- federaziun da las vischnancas burgaisas dal Grischun, secretariat "Bürgerratskanzlei",
Bodmerstrasse 2, 7000 Cuira
- uniun da las corporaziuns regiunalas dal chantun Grischun (Las regiuns GR), Bröl 25,
7546 Ardez
- cuminanza d'interess da las vischnancas pitschnas,
p.adr. Maria Morell, administraziun communal, 7545 Guarda
- instituts da dretg public dal chantun Grischun
- tut ils departaments
- chanzlia chantunala
- dretgiras chantunalas